

রোকেয়া চেয়ার নীতিমালা ২০২৬

(১১-০৬-২০২৬ তারিখে অনুষ্ঠিত কমিশনের ১৭৮তম সভায় অনুমোদিত)



- ১) শিরোনাম : রোকেয়া চেয়ার নীতিমালা ২০২৬।
- ২) ভূমিকা : নারী শিক্ষা, নারী ক্ষমতায়ন, নারী অধিকার ও নারীর আর্থ-সামাজিক উন্নয়নের অগ্রগতির জন্য যেই সকল শিক্ষাবিদ, গবেষক ও বিশেষজ্ঞগণ কাজ করিয়া যাইতেছেন, তাঁহাদের সম্মানার্থে বাংলাদেশ বিশ্ববিদ্যালয় মঞ্জুরী কমিশনের উদ্যোগে ২০০৭ সাল হইতে 'রোকেয়া চেয়ার' প্রবর্তন করা হইয়াছে।
- ৩) সংজ্ঞা : বিষয় বা প্রসঙ্গের পরিপন্থী না থাকিলে, এই নীতিমালায়-
ক) 'কমিশন' অর্থ University Grants Commission of Bangladesh Order, 1973 (P.O.No.10 of 1973) দ্বারা গঠিত 'বাংলাদেশ বিশ্ববিদ্যালয় মঞ্জুরী কমিশন';
খ) 'কমিশন সভা' অর্থ University Grants Commission of Bangladesh Order, 1973 (P.O.No.10 of 1973) অনুযায়ী চেয়ারম্যান, পূর্ণকালীন সদস্য ও খণ্ডকালীন সদস্য দ্বারা গঠিত কমিশনের সভা;
গ) 'চেয়ারম্যান' অর্থ বাংলাদেশ বিশ্ববিদ্যালয় মঞ্জুরী কমিশনের চেয়ারম্যান;
ঘ) 'সদস্যবৃন্দ' অর্থ বাংলাদেশ বিশ্ববিদ্যালয় মঞ্জুরী কমিশনের পূর্ণকালীন সদস্যবৃন্দ;
ঙ) 'কমিশন কর্তৃপক্ষ' অর্থ বাংলাদেশ বিশ্ববিদ্যালয় মঞ্জুরী কমিশনের চেয়ারম্যান এবং পূর্ণকালীন সদস্যবৃন্দ;
চ) 'সচিব' অর্থ বাংলাদেশ বিশ্ববিদ্যালয় মঞ্জুরী কমিশনের সচিব;
ছ) 'সার্চ কমিটি' অর্থ এই নীতিমালার আওতায় রোকেয়া চেয়ার নিয়োগের জন্য অধ্যাপকের বিস্তারিত তথ্যাদি সংগ্রহ করিয়া তালিকা প্রণয়নপূর্বক নিয়োগ কমিটির বরাবর সুপারিশ প্রদানের জন্য গঠিত কমিটি;
জ) 'নিয়োগ কমিটি' অর্থ এই নীতিমালার আওতায় 'রোকেয়া চেয়ার' নিয়োগের জন্য কমিশন কর্তৃক গঠিত কমিটি;
ঝ) 'নীতিমালা' অর্থ রোকেয়া চেয়ার নীতিমালা ২০২৬।
- ৪) চেয়ারের নাম : 'রোকেয়া চেয়ার' হিসাবে বিবেচিত হইবে।
- ৫) উদ্দেশ্য : নারী শিক্ষা, নারী ক্ষমতায়ন, নারী অধিকার ও নারীর আর্থ-সামাজিক উন্নয়নের অগ্রগতির জন্য যেই সকল শিক্ষাবিদ, গবেষক ও বিশেষজ্ঞগণ কাজ করিয়া যাইতেছেন, তাঁহাদের সম্মানার্থে 'রোকেয়া চেয়ার' প্রদান করা হইবে।
- ৬) মেয়াদ ও সময়কাল : ক) ১ (এক) জন অধ্যাপককে 'রোকেয়া চেয়ার'-এর গবেষক হিসাবে ২ (দুই) বছরের জন্য নিয়োগ দেওয়া হইবে;
খ) মেয়াদউত্তীর্ণকালীন বৎসরের ডিসেম্বর মাসের মধ্যে নিয়োগ প্রক্রিয়া সম্পন্ন করা হইবে এবং ১লা জানুয়ারি হইতে 'রোকেয়া চেয়ার'-এর মেয়াদকাল গণনা করা হইবে।
- ৭) যোগ্যতা : ক) বিশ্ববিদ্যালয়সমূহে কর্মরত ও অবসরপ্রাপ্ত অধ্যাপকগণ 'রোকেয়া চেয়ার'-এর জন্য উপযুক্ত বলিয়া বিবেচিত হইবেন। এইক্ষেত্রে অধ্যাপকের বয়স হইবে সর্বনিম্ন ৫৫ (পঞ্চাশ) বৎসর;
খ) 'রোকেয়া চেয়ার' হইবে পূর্ণকালীন। নির্বাচিত রোকেয়া চেয়ার যদি চাকরিরত থাকিলে, তিনি অবশ্যই নিজ প্রতিষ্ঠান হইতে ছুটি লইয়া এই চেয়ারে যোগদান করিবেন;
গ) 'রোকেয়া চেয়ার' হিসাবে একবার নির্বাচিত অধ্যাপককে পরবর্তীতে এই চেয়ারের জন্য মনোনয়ন দেওয়া যাইবে না।

৮) সম্মানী ও
আনুষঙ্গিক সুবিধা


- ক) নিয়োগপ্রাপ্ত রোকেয়া চেয়ারকে বাংলাদেশের পাবলিক বিশ্ববিদ্যালয়ের একজন সিলেকশন থ্রেডের অধ্যাপকের সর্বোচ্চ মাসিক বেতন ও অন্যান্য ভাতাদি সমতুল্য সম্মানী প্রদান করা হইবে;
- খ) বই, জার্নাল, গবেষণা সামগ্রী, ফটোকপি, প্রিন্টিং ইত্যাদি বাবদ এককালীন সর্বোচ্চ ৫০,০০০.০০ (পঞ্চাশ হাজার) টাকা প্রদান করা হইবে। তবে এইক্ষেত্রে বিল, ভাউচার ও প্রয়োজনীয় কাগজপত্র কমিশনে জমা দিতে হইবে;
- গ) সেমিনার/ওয়ার্কশপ ইত্যাদি আয়োজনের জন্য সর্বোচ্চ ১,০০,০০০.০০ (এক লক্ষ) টাকা প্রদান করা হইবে। তবে এইক্ষেত্রে বিল, ভাউচার ও প্রয়োজনীয় কাগজপত্র কমিশনে জমা দিতে হইবে;
- ঘ) রোকেয়া চেয়ার বিষয়সংশ্লিষ্ট ১ (এক) জন গবেষণা সহকারী/সহযোগী (খণ্ডকালীন) মাসিক ১২,০০০.০০ (বারো হাজার) টাকা এবং একজন অফিস সহকারী কাম কম্পিউটার টাইপিষ্ট (খণ্ডকালীন) মাসিক ১২,০০০.০০ (বারো হাজার) টাকা সম্মানী প্রাপ্য হইবেন;
- ঙ) রোকেয়া চেয়ারকে গবেষণালব্ধ প্রবন্ধ বা পুস্তক প্রকাশের ক্ষেত্রে ইউজিসি থেকে সহায়তা প্রদান করা হইবে;
- চ) রোকেয়া চেয়ার-এর গবেষণা কাজে সহায়তা যেমন- কক্ষ বরাদ্দ, ল্যাব সুবিধা, ইন্টারনেট কানেকশনযুক্ত কম্পিউটার সরবরাহ ইত্যাদি সুবিধাদি প্রদানের জন্য সংশ্লিষ্ট বিশ্ববিদ্যালয় কর্তৃপক্ষ প্রয়োজনীয় ব্যবস্থা গ্রহণ করিবেন।


৯) শর্তাবলি

- ক) নারী শিক্ষা, নারী ক্ষমতায়ন, নারী অধিকার ও নারীর আর্থ-সামাজিক উন্নয়নের অগ্রগতি বিষয়ক পূর্বের কর্ম অভিজ্ঞতা এবং এই বিষয়ে ভবিষ্যৎ কর্ম-পরিকল্পনা সংক্ষিপ্ত আকারে জীবন বৃত্তান্তের সঙ্গে জমা দিতে হইবে;
- খ) নির্বাচিত রোকেয়া চেয়ারকে দেশের পাবলিক বিশ্ববিদ্যালয়/স্বীকৃত গবেষণা প্রতিষ্ঠানের সহিত সংযুক্ত থাকিয়া গবেষণাকর্ম সম্পাদন করিতে হইবে;
- গ) নির্বাচিত রোকেয়া চেয়ারকে বৎসরান্তে সংশ্লিষ্ট বিশ্ববিদ্যালয়ের মেডিক্যাল সেন্টার/সিভিল সার্জন/সরকারি হাসপাতালের মাধ্যমে শারীরিক সুস্থতার প্রতিবেদন কমিশনে জমা দিতে হইবে;
- ঘ) নির্বাচিত রোকেয়া চেয়ার-এর গবেষণা সহকারী/সহযোগী ১ (এক) জন মাস্টার্স/এমফিল/পিএইচডি ডিগ্রিধারী অথবা অধ্যয়নরত শিক্ষার্থী হইতে হইবে (প্রয়োজ্য ক্ষেত্রে);
- ঙ) নির্ধারিত মেয়াদের মধ্যে রোকেয়া চেয়ারকে তাঁহার গবেষণাকর্মের ওপর ২ (দুই)টি গবেষণা প্রবন্ধ প্রকাশপূর্বক কমিশনে প্রেরণ ও ১ (এক)টি পুস্তক প্রকাশকরণসহ ২ (দুই)টি সেমিনার আয়োজন করিতে হইবে;
- চ) নির্বাচিত রোকেয়া চেয়ার বিশ্ববিদ্যালয়ের শিক্ষার্থীদের উদ্দেশ্যে লেকচার প্রদান এবং গবেষণায় তত্ত্বাবধায়ক হিসাবে কাজ করিতে পারিবেন;
- ছ) নির্বাচিত রোকেয়া চেয়ারকে একইসাথে অন্যকোনো চেয়ার/ফেলোশিপ গ্রহণ করিতে পারিবেন না;
- জ) 'রোকেয়া চেয়ার' থাকাকালীন অন্যকোনো চাকরিতে (পূর্ণকালীন/খণ্ডকালীন/চুক্তিভিত্তিক) নিয়োজিত থাকিতে পারিবেন না;
- ঝ) গবেষণাকর্ম সম্পন্ন না করিলে অথবা পরিত্যাগ করিলে অথবা রোকেয়া চেয়ার বাতিল করা হইলে অধ্যাপক গবেষক কর্তৃক কমিশন হইতে গৃহীত সমুদয় অর্থ ফেরৎ প্রদান করিতে বাধ্য থাকিবে;
- ঞ) 'রোকেয়া চেয়ার' থাকাকালীন বহিঃবাংলাদেশ গমনের ক্ষেত্রে কমিশন কর্তৃপক্ষের পূর্বানুমতি গ্রহণ করিতে হইবে এবং দেশে প্রত্যাবর্তনের পর কমিশনকে অবহিত করিতে হইবে। এছাড়াও নির্বাচিত 'রোকেয়া চেয়ার' এক বৎসরে সর্বোচ্চ ২০ (বিশ) দিন নৈমিত্তিক ছুটি ভোগ করিতে পারিবেন। ইহার অতিরিক্ত ছুটি ভোগ করিলে উহা বিনা বেতনে ছুটি বলিয়া গণ্য হইবে।

- ১০) সার্চ কমিটি : 'রোকেয়া চেয়ার' প্রদানের নিমিত্ত প্রাথমিকভাবে অধ্যাপকের নাম সংগ্রহপূর্বক তালিকা প্রণয়নের জন্য নিম্নরূপভাবে সার্চ কমিটি গঠন করা হইবে-
- সদস্য, রিসার্চ গ্রান্টস এন্ড এওয়ার্ড ডিভিশন ----- আহবায়ক
পূর্ণকালীন সদস্যবৃন্দ, ইউজিসি ----- সদস্য
কমিশনের খণ্ডকালীন সদস্যের মধ্য হইতে ২ (দুই) জন উপাচার্য (চেয়ারম্যান কর্তৃক মনোনীত) ----- সদস্য
বিশ্ববিদ্যালয় পর্যায়ের ২ (দুই) জন প্রথিতযশা অধ্যাপক (চেয়ারম্যান কর্তৃক মনোনীত) ----- সদস্য
সচিব, প্রশাসন বিভাগ, ইউজিসি ----- সদস্য
পরিচালক, রিসার্চ গ্রান্টস এন্ড এওয়ার্ড বিভাগ, ইউজিসি ----- সদস্য
অতিরিক্ত পরিচালক, ফেলোশিপ, ফেলোশিপ ও এওয়ার্ড অনুবিভাগ, আরজিএ বিভাগ, ইউজিসি ----- সদস্য
উপপরিচালক, ফেলোশিপ ও ফেলোশিপ শাখা, আরজিএ বিভাগ, ইউজিসি ----- সদস্যসচিব
- ১১) সার্চ কমিটির কার্যপরিধি : 'রোকেয়া চেয়ার' নিয়োগের জন্য অধ্যাপকের নাম সংগ্রহ করিয়া তালিকা প্রণয়নপূর্বক নিয়োগ কমিটি বরাবর সুপারিশ প্রদানের প্রয়োজনীয় পদক্ষেপ গ্রহণ করিবে। এইক্ষেত্রে নাম সংগ্রহের প্রক্রিয়া সার্চ কমিটি কর্তৃক নির্ধারিত হইবে।
- ১২) নিয়োগ কমিটি : সার্চ কমিটি কর্তৃক সুপারিশকৃত অধ্যাপকের নামের তালিকা মূল্যায়নপূর্বক রোকেয়া চেয়ার নিয়োগের লক্ষ্যে নিম্নরূপভাবে নিয়োগ কমিটি গঠন করা হইবে-
- চেয়ারম্যান, ইউজিসি ----- আহবায়ক
পূর্ণকালীন সদস্যবৃন্দ, ইউজিসি ----- সদস্য
নারী শিক্ষা, নারী ক্ষমতায়ন, নারী অধিকার ও নারীর আর্থ-সামাজিক উন্নয়নের অগ্রগতির জন্য কাজ করিতেছেন এমন অভিজ্ঞতাসম্পন্ন ২ (দুই) জন অধ্যাপক/শিক্ষাবিদ (চেয়ারম্যান কর্তৃক মনোনীত) ----- সদস্য
সচিব, প্রশাসন বিভাগ, ইউজিসি ----- সদস্য
পরিচালক, রিসার্চ গ্রান্টস এন্ড এওয়ার্ড বিভাগ, ইউজিসি ----- সদস্যসচিব
- ১৩) নিয়োগ কমিটির কার্যপরিধি : ক) সার্চ কমিটির সুপারিশের ভিত্তিতে প্রণয়নকৃত তালিকা হইতে যাচাই-বাছাইপূর্বক ১ (এক) জন অধ্যাপককে এই 'রোকেয়া চেয়ার' হিসাবে নিয়োগের ক্ষেত্রে বিষয়ভিত্তিক পারদর্শিতা মূল্যায়ন করিতে হইবে;
খ) নারী শিক্ষা, নারী ক্ষমতায়ন, নারী অধিকার ও নারীর আর্থ-সামাজিক উন্নয়নের অগ্রগতির জন্য যেই সকল শিক্ষাবিদ, গবেষক ও বিশেষজ্ঞগণ কাজ করিয়া যাইতেছেন, সেই সকল অধ্যাপককে 'রোকেয়া চেয়ার' হিসাবে নিয়োগ করিতে হইবে।
- ১৪) আদেশজারির কার্যকারিতা : কমিশন সভার অনুমোদনের তারিখ হইতে এই নীতিমালা কার্যকর হইবে।
- ১৫) নীতিমালার সংশোধন ও অস্পষ্টতা দূরীকরণ : ক) 'রোকেয়া চেয়ার' নিয়োগ কমিটির সুপারিশের ভিত্তিতে এই নীতিমালার যেইকোনো পরিবর্তন, পরিবর্ধন, সংযোজন, বিয়োজন অথবা সংশোধন করিবার ক্ষমতা কমিশনের ওপর ন্যস্ত থাকিবে;
খ) এতদ্ব্যতীত এই নীতিমালার কোনো অনুচ্ছেদ/বাক্য/শব্দের ব্যাখ্যা অথবা অর্থ নির্ধারণ কিংবা বিশেষ কোনো পরিস্থিতির উদ্ভব হইলে কমিশন কর্তৃপক্ষের সিদ্ধান্তই চূড়ান্ত বলিয়া গণ্য হইবে; এবং
গ) 'রোকেয়া চেয়ার' নিয়োগ প্রদানের ক্ষেত্রে কমিশন কর্তৃপক্ষের সিদ্ধান্তই চূড়ান্ত বলিয়া গণ্য হইবে।


ড. মোঃ ফখরুল ইসলাম
সচিব
বাংলাদেশ বিশ্ববিদ্যালয় মঞ্জুরী কমিশন


প্রফেসর ড. মামুন আহমেদ
চেয়ারম্যান
বাংলাদেশ বিশ্ববিদ্যালয় মঞ্জুরী কমিশন